



UNIVERSITÄTS-
BIBLIOTHEK
PADERBORN

Universitätsbibliothek Paderborn

Annales Mariani Societatis Iesv

Nádasi, János

Romæ, 1658

Anno MDCXXXX. Soc. 100.

urn:nbn:de:hbz:466:1-42840

ANNO MDCXXX. Sæc. 100.

874 Seculari hoc Societatis ante centum annos à Paulo III. Pont. Max. confirmatæ anno, per vniuersam Societatem redditæ Deo gratiæ: quarum magna pars & pompa fuit Beatissima Virgo; per quam gratias Deo egit Societas pro beneficijs per centum hosce annos acceptis. Nimis prolixum si eâ per singulas Prouincias. Romæ is qui ultimo Secularis anni mense, postridie post festum Natiuitatis Deiparæ pro Assistētia Germaniæ in maiore aula Gymnasij Collegij Romani dixit Orator, actis Dei Matri gratijs, ad eius cunas & eam quæ ibidem Scholarum gradibus imminet Dei Matris lunæ semicirculo insistentis imaginem alludens, illi lunatum centum annorum numerum substrauit ad pedes venerabundum; & vicens plures gentium, linguas (quibus in Germaniæ Assistētia Deiparæ gloriam, secundum Deum, prædicat Societas,) cunis illius supplices stitit; vt gratias ageret illi cuius Natiuitatis festum iam centies celebrauit; & quam tum in ingeniorum, tum in animarum cultione beneficentissimam semper experta est. Tu vero, inquiebat, annorum primipila, negotium seculorum, centies iam nobis renata, plena gratiarum, Vniuersitatum nostrarum Mater, Virgo Sapientissima; aspice Assistentem Tibi inter Seculares Caroli Austria-ci (anno 1540. cum Societate nati) & Leopoldi Ignatij (anno 1640. à Ferdinando III. Imperatore, Caroli nepote geniti) cunas, cunis Tuis Societatem Iesu; & aureum gratiarum imbrem, qualis nascente Minerua olim è calo cecidit, in aurea illa, & Societati Tuae benefica Ferdinandorum, Leopoldorumque capita demitte. Tu liber es aureis diuini amoris typis à Deo impressus, qui in omnibus Societatis Tuae gymnasijs explic-

Gratias
illi agere
pro benef.
Societati
impetra-
tis.

Is nunc
est Roma-
norum Im-
perator.

plicaris. Tu Mater, tu album, seu ut vocant, Matricula, cui Sodales Academici sua inscribunt nomina. Tibi lunatum centum annorum numerum sub pedes Tuos pro Luna sternimus. Linguas quibus per annos centum gloria Tua ab hoc cœtu propagata est, ad infantes cunas Tuas sistimus Tibi. Quicquid ibi gentium aut calamo, aut prælo sudatum est, sudatum est Tibi. Nulla enim earum linguarum est qua non propagetur tuus apud eas gentes honor, & gloria. Si verum est quod Dioscorides, alique affirmant, eos qui centum annos impleverint cor non habere; centum iam annos nata Societas cor non habet. At cor novum Societati iam tecum renatum est. Tu ergo, cor nobile, nascens Domina, tu quæ universum Societatis pectus, instar cordis adeo impleuisti, gratias pro Societate refer ijs omnibus quibus totum hoc seculum debet Germana, Hungara, & omnium Assistentiæ Germaniæ nomine conclusarum gentium appellationem gerens Societas: & tunc demum verè pro anni secularis coronamento, pro Assistentiæ Germaniæ, ex Tuo, & nostro corde gratias egi, & dixi. Romæ 9. Sept. Sic ille, seu ego. Clamat nobis totum Societatis seculum, tot linguis quot annis, illud S. Anselmi: Eia, fratres, quantum possumus enitamur aliquando affectum illius tam bonæ Matris agnoscere.

875 P. Brunus Brunus ante initam Societatem in Seminario Romano, à prima die quâ S. Catharinæ Christo paruulo in B. Virginis sinu sedenti desponsatæ imaginem vidit puer, illam quotidie manè ac vesperi salutavit, simili quopiam desiderio accensus; idque supra spem consecutus, quando in Æthiopia postea laboranti, ut narraui in impresso nuper hîc Anno dierum illustrium, adfuit cum IESV paruulo in sinu sedente Christi Mater, cum

Bru-

See excell.
B.V.c. 4.
n. 9.

Cesius in
Æthiopia
1640. 12.
April.

12. April.

Brutus fortitudinem animi & corporis peteret contra pericula & tormenta; eâq; ut ferunt, illi promissâ, sponddit fore ut non deficeret in tormentis: & inserto illi in digitum cælesti annulo, festum ei desponsationis (quam olim puer in IESV & Catharina imagine coluerat) celebravit. *Cui concessum fuerit, sæpe dulci studio posse cogitare de illa, magnum promerenda salutis indicium esse coniecto*, inquit S. Anselmus.

*Ab illa,
vires pete
re ad pa-
tiendum.*

*De excell.
B. V. c. 4.
n. 10*

876 Sicut artes amandi turpiter docuere ob-scena ingenia: ita castum P. Antonij Deslions, Marianumque ingenium, editis hoc anno *de cultu B. Virginis* elegiarum libris tribus, cælestis amoris artem industriamque cecinit, & B. V. Sodalibus in Belgio dedicavit carmine terso, pio, ac digno luce illius ingenij.

*Cultum
B. V. car-
mine quo-
que doce-
re.*

877 Hoc anno Neapoli improbus ganeo cum in chartarum lusu omnia perderet, inter mille blasphema verba, chartas in B. V. imaginem, quæ istic erat, coniecit. Agebat istic celebrem tunc missionem P. Vincentius Caraffa, qui de scelere illo certior factus, tantum voluit potuitque, ut cubiculum illud in Deiparæ Sacellum transferit; & explicatâ nefandi sceleris diritate, illa B. V. imago solenni supplicatione celebrata est, & ornata. Dixit ad concionem de Societate quidam; & illam Virginis iniuriam, ac aleæ atque chartarum damna, tam scitè exaggeravit atque flagranter, ut sublato clamore clangens populus æstuarer; ac vultibus, pectoribusque percussis nonnulli, spiritu linquente, conciderent. Exaggeratus etiam chartarum, alearum, & id genus tabellarum aceruus coram B. Virginis imagine igni solenni datus, tanquam piaculum. Ita contumelia Virgini ab vno conscelerato

*Iniuriam
illâ factâ
honore no-
uo sarcire*

Н Н Н

illa-

no. f. fer. 2.
ode 6.

Morti se
parare
per eius
cultum.

Coronatio
nem B. V.
celebrare.
pag. 35.

ob. 1640.
12. Ian.
Mors.

in m. f.
homil. in
Natiuit.
Christi.
ob. 1640.
Romæ.

ob. 1640.
Aschafen-
burgi.

llata, publicis honoribus est superata. Deleamus nos aliena contra Deiparam scelera; ut eius ope deleamus & nostra. S. Io: Damascenus: *Chirographum delictorum meorum confringens, fac me dignum ut describar in libro electorum.*

878. Hoc anno in lucem primum Græcij (postea sæpius alibi) data est mea MARIA Mater Agonizantium, varijs Deiparam pro felici morte colendi officijs, documentis, exemplis explicata. Eodem hoc anno Mediolani posita est solenni pompâ in templo Domus Professæ statua Beatissimæ Virginis Morientium Aduocatæ 7. Februarij. eiusque imago æri incisa ad publicam pietatem.

879. Hoc item anno Mantuæ celebrata est apparatione solenni Coronatio Beatiss. Virginis, Ducis Mantuæ iussu. In ea quid à Societate sit præstitum, describit Scipio Agnellus. Maffeus Episcopus libro Italicè Mantuæ in lucem dato. In templi propylæo, inter alia, B. Aloysius Beatissimæ Virgini suam Domum commendans spectabatur.

880. P. Cornelio Murgia Sardo, silentij, modestiæ, Angelicæ puritatis laude spectatissimo, paulò ante mortem fama est adfuisse Beatissimam Virginem Matrem, quæ paruulum è sinu IESVM illi ostendens, permagno illum solatio impleuit; vultum verò hæc videntis, radijs pulchræ lucis iucundè perfudit. S. Ioannes Chrysostomus: *O Virgo, inquit, tua dulcedine repletus est orbis terrarum.*

881. P. Alexander Donatus, quem nascentem Sena vetus Ciuitas Virginis dedit, edidit Luctum Virginis Matris in morte Christi; Natalitia Magnæ Virginis; Sacellum Esquilinum Virgini maximæ à Paulo V. Pont. erectum, dicatumque. P. autem Balthasar Kirznerus Rosam MARIANAM. P. Paulus Scherlogus in suis in-

C an.

Cantica Canticorum commentarijs, quorum tomus tertius hoc anno prodijt Lugduni, vltimæ Vestigationi titulum hunc præfigit: *Totum Salomonis Canticum de B. MARIA breuiter exponens, & eius vitæ præcipua gesta delibans.* Accedit ad calcem Peroratio, & lucubrationum oblatio D.N. Iesu Christo per manus Sanctæ eius Genitricis. P. Petrus Pennequin impressit hoc anno Atrebat, postea Duaci anno 1641. recensum Primum Societatis IESV seculum Beatissimæ Virginis sacrum elegiarum libris tribus. P. Laurentius Chiffletius Ideam præcipuorum actuum ad inuocandam misericordie Matrem; Bruxellis. Prouincia Flandrobeltica in publico lumine collocauit, Antuerpiensibus typis dato in lucem nobili volumine, *Imaginem primi seculi Societatis IESV.* Ibi, vt Sullæ de nocte Bellona; ita Ignatio in ipsâ peruigilatione nocturnâ MARIA, conspicua spectabilem sese exhibuit, eique præbuit Filium suum infantili specie amabilem. Tu, Ignati, hoc fulmine armatus terribilis es. Ita ibi. Ibi Laynez pro Immaculata Orator. Ibi, præter festum Præsentationis Societate adnitente, augustâ celebritate auctum, ait feliciter increbuisse, per plures vrbes festiuitatem nominis Mariæ primum Mechliniæ excitatam. Ibi MARIA dicitur nutrix, patrona, & altera Societatis autor. Eiusdem festorum celebritas à Societate variè aucta. Illa multis autor fuit Societatem ingrediendi. Eiusdem dolentis stationes in Belgio Societas excitat. Videri potest de hoc argumento etiam P. Ioannes Baptista Vuens in Ionam, in Dedicacione ad B. Virginem. Hoc anno P. Toussaints Bridoul Insulis dedit prælo *Gloriam mirabilium Deiparæ per singulos anni dies recurrentium.* Roganda est pro Societate vniuersa Dei Mater ab ijs eius filijs, qui

H H H 2

&

pag. 779.

pag. 135.

142.

pag. 71.

138. 76.

77. 139.

779.

Vide totâ

orat. 5. d

pag. 133.

Serm in
Assumpt.

& illam & Societatem teneriore studio prosequuntur, ut (quod olim petebat B. Petrus Damiani) nobis ipsa sensum acuat, dirigat stylum; & linguam, calaminumque pauperis venustiori respergat eloquio.

ib. Parisijs
1640.

l. 3 c. 24.

l. 5. c. 8.

Amoris er
ga B. V.

diuitias

docere in
amore Dei

lib. 8. c. 41.

42.

l. 9. c. 8.

ll. 11. c. 9.

13. c. 5.

882 P. Iacobus Saliannus Annalium vet. testamenti autor, in eo quod Parisijs anno 1631. edidit opere de Amore Dei; diuinam pulchritudinem etiam ex augustissimæ Virginis decore colligit, aitque tantam inesse diuinissimæ Virgini pulchritudinem, ut vni duntaxat Deo eiusque vnigenito cedat; præterea nemini. Ostendit in illa dulcedinem diuini amoris: ait nos à Christo in patria docendos maternæ virginitatis arcanum: ibi nos visuros diuinam liberalitatem (si Christum nobis datum excipias) nullo in munere tam luculenter eluxisse, quam cum illam nobis omnium electorum Regiam dedit. Dulcem, ac mellitum fore nostrum in cælo erga Dei Matrem amorem, cum agnosceremus singillatim fufas ab illa pro nobis preces, impetrata præsidia, pericula propulsata; cum videbimus eius pulchritudinem, thronum, diuitias gloriæ, illius erga nos amorem syncerissimum, atque tenerimum. Dilatandum tunc admirabiliter exultans cor fortunatorum famulorum tantæ maiestatis. Agit de eximia Deiparæ lenitate ac mansuetudine magistro Dei amore profectâ: de sollicita illius charitate, de affinitate ipsius ad Deum reliquasque diuinas personas, ut loquitur S. Thomas: eamque sanguinis in primo gradu coniunctionem cum Christo, fundamentum esse omnis gratiæ ac prærogatiuæ quâ Deipara vnquam ornata est. Ad hæc, promptum & feruidum Deiparæ amorem enunciat.

P. Franciscus Regis (ut ait eius discipulus,
&

& vitæ scriptor) docebat suos discipulos in fami-
liari colloquio mille artes perscitè colendi Beatissi-
mam DEI Matrem.

ob. 1640.
vlt. Dec.

883 Carolo cuidam fidem ab eximia virtute
commerito quid euenerit, ipse datis anno 1644.
20. Maij ad P. Alphonsum de Ovalle Chilensem,
Procuratorem Romam literis, ita exposuit: Ab-
binc quinque annis cum ad deliberandum de vitæ ineun-
da statu exercitijs vacarem, obtulit se mihi vigilianti ac
meditanti hæc species. Aduolare primum visa est nubes;
& Sanctos Dominicum, Bernardum, Franciscum, medium-
que inter illos Christum exhibere. Altera parte nubes
alia D. Virginem ferens obuersata est. Et ecce Diua
Virgo præbita Christo reuerentia cor aliquod obtulit:
cui Christus, ut pro arbitrio de illo ageret, indicauit.
Intellexi ego esse meum cor, statimque adueri piam
Matrem tradere illud S. Ignatio qui necdum antea
comparuerat. Tum ego vocationem istam ad Societa-
tem minùs probans, obsistere videbar Diuæ Virgini,
quòd putarem molle nimis eius institutum esse: quando
ipsa dextrorsum prospectans, me mihi ostendit barbara
in patria luto immersum tenus genua, & cum sudore
iter molientem, vicinumque cuipiam Indo arcu, & sagittis
instructo: quesivitque ex me quasi increpitans, an mol-
le esset istud vitæ genus? Tum verò ad Societatem ineun-
dam, Indiasque petendas Diuæ Virgini me deuoui: to-
taque species euannit.

Cor ad B.
Virginis
arbitrium
accommo-
dare.